

洪憲元年二月十二日 星期六 第三十七號

政事堂印鑄局發行

北京東長安牌樓王府井大街  
電話 東局 二百零一號

# 政 第 九 號 統 率 辦 公 報

## 本報價目

- 一本報按照陽曆每日出報一號
- 一定購三月者收回大洋二元三毛
- 一定購長年者收回大洋八元
- 一外埠購報每半年加郵費洋一元
- 如送報夫役私自加價請告知本局以便查究是為至要
- 一定購一月者收回大洋八毛
- 一定購半年者收回大洋四元五毛
- 一零售每號銅元五枚以本日為限
- 一裝訂每月收回大洋一毛五分不裝訂者聽

目錄

命令

國務卿奏據銓叙局詳稱違核振武上將軍行

警軍用文職薦委各員資格請予分別核叙

內務部奏山西省會警察廳勤務督察長石鷹

楊因事被控擬請准予免職遺缺以該署長

直隸巡按使朱家寶奏遵章預保簡任法官錢

直隸巡按使朱家寶奏東鹿縣監犯越獄脫逃

河南巡按使田文烈奏豫省訴訟案件督飭清

理均無積壓請將廳長陳官桃量予褒獎摺

河南巡按使田文烈奏豫省分發知事員數過

多擬請暫停分發摺

江蘇巡按使齊耀琳奏嘉定等縣知事張鏡寰

等試署期滿薦請實授並懇暫緩覲見摺

江蘇巡按使齊耀琳奏擬調廣東縣知事周善

年等免予考詢先行分發暫免試縣知事吳俊

安武將軍督理安徽軍務倪嗣冲奏安武軍官

佐各員王濟等請補授軍職摺

安武將軍督理安徽軍務倪嗣冲奏軍用文職

各員王裕承等請予叙官摺

安武將軍督理安徽軍務倪嗣冲片奏本署參

謀廳書記官張作桂等資勞素著擬懇特准

署四川巡按使陳宦奏著有勞績人員陳培龍

署四川巡按使陳宦奏縣知事呂聯乙等到省

廣西巡按使王祖同奏廣西高等審判檢察兩

廳及桂林地方審判檢察兩廳薦委各員請

叙官摺

貴州巡按使龍建章奏貴州清理積案完竣該

處長吳家駒等可否擇尤請獎摺

農商部咨政事堂印鑄局咨送鹽務署民國四

年發文分類編號表請登載公報文(附表)

農商部咨政事堂印鑄局函送民國四年份發

文分類編號表請登載公報函(附表)

農商部示(續)

廣占

奉命 令

政事堂奉

策令洪隆廷王漢池均給予三等文虎章此令

政事堂印

洪憲元年二月十一日

國務卿陸徵祥

政事堂奉

策令苗珍祥給予四等文虎章此令

政事堂印

洪憲元年二月十一日

國務卿陸徵祥

政事堂奉

策令田鍾祥給予四等文虎章此令

政事堂印

洪憲元年二月十一日

國務卿陸徵祥

政事堂奉

策令黃國助孫慶德年德壽龔德瀚王雲龍鮑維翰胡煥文劉鳳藻趙春霖趙源王雲卿龍嘉驥呂得祥劉殿元子清均給予四等文虎章此令

政事堂印

洪憲元年二月十一日

國務卿陸徵祥

政事堂奉

策令張洪壽給予五等文虎章此令

政事堂印

洪憲元年二月十一日

國務卿陸徵祥

政事堂奉

策令恭訥春王慶祥吳隆福王灝邢厚源李濤高文豹王得勝王兆龍單文榮甯國宸吳廷輔劉全福于沛石毓琦陸炳鴻關啟斌胡榮王明魯湘王均王貴劉謙王夢松曾灝趙連順均給予五等文虎章此令

政事堂印

洪憲元年二月十一日

國務卿陸徵祥

政事堂奉

策令任命葛光廷兼充陝西陸軍第四混成旅旅長此令

政事堂印

洪憲元年二月十一日

國務卿陸徵祥

政事堂奉

策令任命趙景清為陝西陸軍第四混成旅步兵第十一團團長劉希曾為步兵第十二團團長此令

政事堂印

洪憲元年二月十一日

國務卿陸徵祥

政事堂奉

策令潘斯鏡加陸軍中將銜李雍授為陸軍少將此令

政事堂印

洪憲元年二月十一日

國務卿陸徵祥

政事堂奉

策令朱瑞華加陸軍少將銜此令

政事堂印

洪憲元年二月十一日

國務卿陸徵祥

政事堂奉

策令呂煥章覃兆恩授為陸軍步兵上校此令

政事堂印

洪憲元年二月十一日

國務卿陸徵祥

政事堂奉

策令馮添授為陸軍步兵上校此令

政事堂印

洪憲元年二月十一日

國務卿陸徵祥

政事堂奉

策令國務卿奏據銓叙局詳稱遵核軍學編輯局薦任各員資格請予叙官等語孫雄徐馨齡均授爲中大夫許造時楊虞陸澎均授爲少大夫齊汝襄周藩王桂生陳宗瀚楊玉書均授爲上士此令

政事堂印

洪憲元年二月十一日

國務卿陸徵祥

政事堂奉

策令國務卿奏據銓叙局詳稱遵核財政部所屬薦任各職並鹽務署薦任待遇各員資格請予叙官等語孫多禔謝廷麒俞家駒陳惟庚吳迺翼王國鐸吳用威熊賓俞人蔚王克均劉原道楊啟源均授爲中大夫俞家駒俞人蔚並加上大夫銜歐本麟裴景元程灝許壽昌授爲少大夫梁致廣授爲上士此令

政事堂印

洪憲元年二月十一日

國務卿陸徵祥

政事堂奉

策令參謀本部奏請任命楊蔭榮為陸軍第六混成旅參謀長周煜坤為陸軍第十三混成旅參謀長應照准此令

政事堂印

洪憲元年二月十一日

國務卿陸徵祥

政事堂奉

策令陸軍部奏請任命藍彬為陸軍第一師副官長應照准此令

政事堂印

洪憲元年二月十一日

國務卿陸徵祥

國務卿奏據銓叙局詳稱署山西政務廳廳長裘炳熙署新疆政務廳廳長徐謙暫署貴州政務廳廳長何麟書請均予緩覲由

政事堂奉

批令裘炳熙等均准緩覲此令

政事堂印

洪憲元年二月十一日

國務卿陸徵祥

國務卿奏據銓叙局詳請將陸軍訓練總監暨軍學編輯局薦委各員分別叙官由政事堂奉

批令孫雄等已另有令明發其高翀漢以下各員並准如擬授官此令

政事堂印

洪憲元年二月十一日

國務卿陸徵祥

外交部奏前任駐外代表公使吳宗濂等擬請特予一體叙官由政事堂奉

批令交政事堂飭銓叙局核叙此令

政事堂印

洪憲元年二月十一日

國務卿陸徵祥

外交部奏請將本部續行薦委各職及辦事員學習員等分別叙官由政事堂奉

批令交政事堂飭銓叙局核叙此令

政事堂印

洪憲元年二月十一日

國務卿陸徵祥

外交部奏駐外領事富士英等授官陳謝由

政事堂奉

批令悉此令

政事堂印

洪憲元年二月十一日

國務卿陸徵祥

外交部奏本部附屬機關人員勞績卓著請分別叙官由

政事堂奉

批令交政事堂飭銓叙局核議具復此令

政事堂印

洪憲元年二月十一日

國務卿陸徵祥

內務部奏覆核江蘇巡按使齊耀琳咨請獎勵蕭縣剿匪出力人員擬分別獎給勳章由

政事堂奉

批令交政事堂飭銓叙局照章核獎此令

政事堂印

洪憲元年二月十一日

國務卿陸徵祥

財政部奏本部職員劉次源等授官陳謝由

政事堂奉

批令悉此令

政事堂印

洪憲元年二月十一日

國務卿陸徵祥

陸軍部奏核明守護大臣咨擬以戶豐等補防禦等缺請照准由

政事堂奉

批令准其補授單存此令

政事堂印

洪憲元年二月十一日

國務卿陸徵祥

陸軍部奏請以常有補護軍校員缺由

政事堂奉

批令准其補授此令

政事堂印

洪憲元年二月十一日

國務卿陸徵祥

陸軍部奏軍官邱開浩等積勞病故擬請照章給卹由

政事堂奉

批令准如所擬分別給卹此令

政事堂印

洪憲元年二月十一日

國務卿陸徵祥

陸軍部奏核覆前漢口兵站總監杜錫鈞咨報所屬載運局支用各款擬請准予支銷並

補發不敷款項由

政事堂奉

批令准予支銷其不敷之款著財政部分批發給此令

洪憲元年二月十一日

政事  
堂印

國務卿陸徵祥

司法部奏轉報山東等省高等檢察廳檢察長梅光養等就職日期由  
政事堂奉

批令悉此令

政事  
堂印

洪憲元年二月十一日

國務卿陸徵祥

司法部奏擬增訂易筮條例第四條請訓示由  
政事堂奉

批令准如所擬修正即由該部通行遵照此令

政事  
堂印

洪憲元年二月十一日

國務卿陸徵祥

司法部奏福建高等審判廳長陳經等奉給勳章代陳謝悃由

政事堂奉

批令悉此令

政事  
堂印

洪憲元年二月十一日

國務卿陸徵祥

農商部奏遵核山西巡按使奏請援案設立鑛務總局擬由本部派委譚啟瑞充任總辦  
以專責成由

政事堂奉

批令准如所議辦理即由該部轉行山西巡按使遵照此令

政事  
堂印

洪憲元年二月十一日

國務卿陸徵祥

廣東巡按使張鳴岐奏報調署高雷道道尹楊晉任事日期由

政事堂奉

批令悉交內務部查照並由政事堂飭銓叙局查照此令

政事  
堂印

洪憲元年二月十一日

國務卿陸徵祥

廣東巡按使張鳴岐奏爲整頓粵省沙田謹擬辦法大綱繕單具陳仰祈聖鑒由  
政事堂奉

政事  
堂印

洪憲元年二月十一日

國務卿陸徵祥

廣東巡按使張鳴岐奏報發交任用人員朱綸業經到省由  
政事堂奉

批令悉交政事堂飭銓叙局查照此令

政事  
堂印

洪憲元年二月十一日

國務卿陸徵祥

福建巡按使許世英奏保堪勝警務處處長人員擬請准予存記由

政事堂奉

批令吳文炳蔣彞均著交政事堂存記單存此令

政事  
堂印

洪憲元年二月十一日

國務卿陸徵祥

福建巡按使許世英奏陳明福建省民國四年分各縣秋收分數繕具清單請訓示由  
政事堂奉

批令悉交內務財政兩部查照單併發此令

政事  
堂印

洪憲元年二月十一日

國務卿陸徵祥

福建巡按使許世英奏清流縣屬被水田畝勘未成災毋庸蠲緩情形恭摺祈鑒由  
政事堂奉

批令悉交內務財政兩部查照此令

政事  
堂印

洪憲元年二月十一日

國務卿陸徵祥

福建巡按使許世英奏請將公署薦委任待遇各職員程家穎等分別叙官由  
政事堂奉

批令交政事堂飭銓叙局核辦單並發此令

政事  
堂印

洪憲元年二月十一日

國務卿陸徵祥

福建巡按使許世英奏請將存記道尹段母忘分發福建任用由  
政事堂奉

批令段母忘已有令發往該省酌量任用矣此令

政事  
堂印

洪憲元年二月十一日

國務卿陸徵祥

福建巡按使許世英奏閩省現充要職具有簡任資格人員許兆桂等擬請特予叙官由  
政事堂奉

批令許兆桂等應准核叙文官交政事堂飭銓叙局查照辦理此令

政事堂印

洪憲元年二月十一日

國務卿陸徵祥

署四川巡按使陳宣奏懇將核准免試知事李仲通等免送考詢并予分發由  
政事堂奉

批令李仲通等應准免其考詢先行分發任用交內務部查照辦理此令

政事堂印

洪憲元年二月十一日

國務卿陸徵祥

駐美利堅合衆國兼駐古巴國特命全權公使顧維鈞奏接任日期并敬陳謝悃由  
政事堂奉

批令悉此令

政事堂印

洪憲元年二月十一日

國務卿陸徵祥

駐美利堅合眾國兼駐古巴國特命全權公使顧維鈞奏報呈遞國書電文日期由政事堂奉

批令悉交外交部查照此令

政事堂印

洪憲元年二月十一日

國務卿陸徵祥

署川邊鎮守使劉銳恆奏遵令保薦賢能熊濟文劉錕二員懇交文官甄用委員會甄用由

政事堂奉

批令悉應俟文官甄用會成立時彙案核辦交政事堂飭銓叙局查照附件并發此令

政事堂印

洪憲元年二月十一日

國務卿陸徵祥

政府公報

二月十二日第三十七號

奏摺

國務卿奏據銓叙局詳稱遵核振武上將軍行署軍用文職薦委各員資格請予分別核叙文官摺（附單）

奏為遵核振武上將軍行署軍用文職叙官資格恭摺仰祈 聖鑒事據銓叙局詳稱本年二月一日准振武上將軍電稱本行署未補軍官各員請改叙文官從速核辦等語茲將該行署藍世勳等員履歷詳加審查均屬相符惟原送各員並未分別薦任委任而將軍行署又無詳細官制可資依據茲擬請將該行署一等課員藍世勳等三員比照薦任職叙叙官是否有當開單詳請轉奏等情理合據詳轉奏伏乞 皇帝陛下聖鑒訓示謹 奏

政事堂奉

批令藍世勳等已另有令明發其餘各員一併如擬加銜授官單存此令

政事堂印

洪憲元年二月六日

國務卿陸徵祥

謹將振武上將軍行署軍用委任職叙官名單開列恭呈

御覽

計開

振武上將軍行署二等副官黃廣威 軍務課二等課員曹鴻荃 吳九言 軍需課二等課員林有恆 蕭

鵬舉 潘之政 徐之籍 三等課員龍光宗 軍法課二等課員潘肇元 俞文萃 方 宮 三等課

員楊綸堂 全毓楷 軍醫課二等課員唐濬源

以上十四員積資四年以上並曾為委任職按照文官官秩令應授為上士二等副官課員擬請均加少

大夫銜

振武上將軍行署軍務課三等課員徐焱 軍需課二等課員何少垣

以上二員積資二年以上並曾為委任職按照文官官秩令應投為中士擬請特投為上士

內務部奏山西省會警察廳勤務督察長石鷹揚因事被控擬請准予免職遺缺以該署長林桂田兼充

奏為擬請分別任免山西省會警察廳勤務督察長恭摺具陳仰祈 聖鑒事竊准山西巡按使巨金永咨

陳省會警察廳勤務督察長石鷹揚因事被控不知遠嫌應請轉奏將該員免職遺缺查有署長林桂田辦事

勤慎勞怨不辭擬請以該署長林桂田兼充咨請分別核辦等因到部查山西省會警察廳勤務督察長石鷹

揚既准該巡按使咨稱因事被控自應准免本職所請以署長林桂田兼充勤務督察長並加具考語核與歷

辦成案亦屬相符相應奏請 准以山西省會警察廳署長林桂田兼充勤務督察長並請將本任勤務督

察長石鷹揚准予免職所有擬請分別任免山西省會警察廳勤務督察長緣由是否有當伏乞 皇帝陛

下聖鑒訓示謹 奏

政事堂奉

批令石鷹揚應准免職即派林桂田兼充由該部轉行遵照此令

政事堂印

洪憲元年二月六日

國務卿陸徵祥

直隸巡按使朱家寶奏遵章預保簡任法官錢宗昌彭守正二員懇予存記摺

奏為遵章預保簡任法官人員恭摺仰祈 聖鑒事竊查前准司法部咨擬訂簡任法官資格及預保辦法

於上年七月二十二日呈奉

批令准如所擬先行試辦等因由部通行遵照在案查簡任法官預保辦法

第一款內開預保人員應聲明該員合於法定簡任法官資格第幾款開具詳細履歷成績並加具切實考語  
自應遵辦查有前吉林高等審判廳廳丞錢宗昌係浙江杭縣人前清由副榜就職州判於光緒十五年投効  
東三省練兵行營充任文案因獲盜出力迭保以知縣留奉補用歷署海城蓋平西豐等縣知縣所至有聲旋  
報捐離任以知府分省試用歷充墾務局收支處總辦文案處幫辦奉天全省營務處總文案行營發審處會  
辦營務處總辦等差均無貽誤因辦墾出力保准以道員分省補用三十二年經前吉林將軍奏調赴吉派充  
法政學堂監督兼教授先後三年成材甚衆曾經前東三省總督會同臣在吉林巡撫任內保以通達時務熟  
習邊情辦理法政學堂不遺餘力奏准以本班留吉補用宣統元年三月試辦吉林高等審判廳廳丞時值法  
庭初創章制未備該員經營擘畫規模粲然經前法部以辦有成效於二年十一月奏准試署民國元年三月  
丁父憂開缺綜計在任三年多有成績可稽二年三月薦任爲奉天都督府軍法課長審核要案頗著勤勞會  
奉 策令給予四等文虎章該員老成練達才識兼優法律精通經驗甚富核與簡任法官資格第八項規  
定相符又查有政事堂存記道尹分發直隸任用彭守正係湖北漢陽縣人前清光緒甲辰進士曾在進士館  
肄習法政二年派赴日本法政大學補習回國經教育部認爲法政專門三年畢業咨明司法部有案二十四  
年奏調赴皖充官立法政學堂監督兼教授本其所學灌輸後進造就人才一時稱盛民國元年任湖北軍民  
兩府顧問凡所建議足濟時艱二年四月奉 令署理教育部參事贊畫部務尤著勞勩三年十月經河南  
巡按使保准以道尹存記分發直隸任用經臣委充政治研究所副所長查該所學課定章以法律一門爲主  
要該員於此項學課尤能悉心評閱闡發無遺有神吏治實非淺鮮該員學問優長法律深遂才華卓越體用  
兼該核其資格亦與簡任法官第五項規定相符以上兩員於審檢各職均屬相宜合無仰懇 恩施俯准  
將錢宗昌彭守正均以簡任法官存記之處出自 鴻慈逾格所有遵章預保簡任法官緣由理合繕具詳  
細履歷恭摺具陳伏乞 皇帝陛下聖鑒訓示謹 奏

政事堂奉

批令交政事堂覆核存記此令

政事堂印

洪憲元年二月五日

國務卿陸徵祥

直隸巡按使朱家寶片奏懇將前昌黎縣知事郝繼貞仍發往山東補用摺

再前昌黎縣知事郝繼貞因公獲咎據該縣紳商學界瀝陳該員在任勤勞捕務清理獄訟振興教育整頓財政諸成績公懇轉請赦免當經詳叙事實呈奉 申令特赦在案查郝繼貞係第二屆保准免試知事由山東巡按使咨調補用之員該員初以進士即用知縣赴日本留學法政大學畢業分發安徽管補合肥縣知縣

歷任當塗黟縣等缺循聲卓著其人亦惻悞無華新舊學均有根柢實為臣所素知改革後署理安徽高等審判廳長復能措置裕如庶獄咸理值此國體更新之際正需才孔亟之時如該員之學識俱優棄置未免可惜合無仰懇 天恩俯准仍以縣知事發往山東補用以資任使之處出自 逾格鴻施臣為愛惜人才起見理合附片具陳伏乞 聖鑒訓示謹 奏

政事堂奉

批令郝繼貞准以縣知事分發山東任用交內務部查照辦理此令

政事堂印

洪憲元年二月五日

國務卿陸徵祥

直隸巡按使朱家寶奏東甯縣監犯越獄脫逃請將流坊之縣知事郝繼貞交內務部查照辦理此令

奏爲監犯越獄脫逃請將疏防之縣知事交付懲戒恭摺仰祈 聖鑒事竊前據東鹿縣知事孫榮詳稱上年八月十五日早二鐘時分已決監犯周小娃朱九長王小彭王二小等四名乘禁卒睡熟扳開籠板在房頂挖窟脫逃據管獄員俞家聲報經督飭警隊追捕無踪等情查周小娃朱九長均係因竊判處三等有期徒刑王小彭係因姦判處四等有期徒刑王二小係因竊判處四等有期徒刑之犯當經臣批飭勒限一月嚴緝在逃各犯務獲並飭高等檢察廳轉咨保定道尹委員前往勘驗提訊禁卒人等有無賄縱情弊暨將該知事等擬議詳辦在案茲據高等檢察廳檢察長許受衡以此案業據保定道尹檄委鄰封前往勘明提訊禁卒人等並無賄縱情弊革役示懲由廳議將該管獄員俞家聲照本省單行章程撤任察看縣知事應照知事懲戒條例辦理雖據報獲犯王小彭一名尙有三名在逃未獲未便末減等情詳請核辦前來臣查知事爲有獄之官宜如何督飭認真防範以免疏虞乃竟疏脫監犯至四名之多實屬異常疏忽雖據緝獲一名惟在逃者尙有二名以上按照條例仍應懲戒未便稍涉姑寬應請將東鹿縣知事孫榮 令交文官高等懲戒委員會議處以示懲儆除分咨內務司法兩部查照並飭嚴緝逃犯務獲究報外理合恭摺具陳伏乞 皇帝陛下聖鑒訓示謹 奏

政事堂奉

批令孫榮著付文官高等懲戒委員會依法懲戒並交內務司法兩部查照此令

政事堂印

洪憲元年二月六日

國務卿陸徵祥

河南巡按使田文烈奏豫省訴訟案件督飭清理均無積壓請將廳長陳官桃量予褒獎摺  
奏爲豫省訴訟案件督飭廳縣認真清理均無積壓謹將大概情形恭摺具陳仰祈 聖鑒事竊查上年十

月二十日恭奉

申令京外法庭審判遲延幾成痼疾迭經嚴申誥誠而各省法庭仍多疲玩民事訴訟積

壓尤甚著司法部各省巡按使飭令總分商會研究債務訴訟辦法由部悉心斟酌擬定條例呈候頒行京外法官及兼理司法之縣知事儻敢仍事因循罔知振奮惟有從嚴懲戒以肅官方此令等因奉此仰見 皇

上矜恤庶獄整飭官方之至意莫名欽佩伏念豫省幅員遼闊人戶繁稠訴訟案件向較他省爲多近年匪患頻仍地方多故人心未靖訟事益復繁興 臣自上年奉 令監督司法即督同高等審判廳長陳官桃商酌

辦法擬定清釐積案章程督促進行並嚴定懲獎規則通飭遵辦該廳長督率廳縣認真整頓披閱案牘往往夙夜不遑民刑各案得以漸次清結每月填造表冊由廳詳咨司法部查核在案計自民國四年一月起扣至

十二月底止該廳新收民事案件未結者實共十六起新收刑事案件未結者實共七起開封地方審判廳新舊民事案件已結者一千四百四十四起其未結者僅四十五起均係新收新舊刑事案件已結者八百二十

一起其未結者僅九起亦均係新收將該廳民國四年全年分清理案件情形與民國三年全年分清理案件情形比較查民國三年全年分民事新舊共四百四十四起已結三百五十一起未結八十九起民國四年全年

分民事新舊共五百二十七起已結五百十一起未結十六起又民國三年分刑事新舊共三百三十九起已結二百八十七起未結五十二起民國四年全年分刑事新舊共九百七十四起已結九百六十七起未結七

起是該廳四年分清理訴訟情形較民國三年分多結民刑案件共八百四十起清理訴訟成績較之上年爲優至兼理司法之縣知事對於民刑訴訟案件尙能隨審隨結核閱表冊收結亦復相抵 臣覆查該廳長陳官

桃研究法律督率認真力果心精不辭勞怨清理訴訟成績卓著實爲司法中出色之員合無仰懇 恩施量予褒嘉以資策勵伏候 睿裁所有豫省清理訴訟案件情形除咨陳司法部外理合恭摺具陳伏乞 皇帝陛下聖鑒訓示謹 奏

政事堂奉

批令陳官桃著傳令嘉獎交司法部查照此令

政事  
堂印

洪憲元年二月五日

國務卿陸徵祥

河南巡按使田文烈奏豫省分發知事員數過多擬請暫停分發摺

聖鑒事竊以河南地處中原交

奏爲豫省分發知事員數過多擬請暫停分發以資疏通恭摺具陳仰祈  
通便利四方謀宦之士往往樂於投足前清末年道府州縣候補人員常至三四百名之多當道無法應付因  
屢有請停分發之舉民國肇造時局變更任用之法未備登進之路益多臣自三年春間蒞豫適當澄清吏治  
之會求奮謀新爬梳釐剔進退去取得以逐漸廓清一時宦豫者尙未至有擁擠之患自歷屆試驗保免知事  
分發之後於是波連雲湧接踵而來手版紛投應接不暇截至上年十二月底止除現在任署各缺不計外到  
省知事共有二百四十餘名陸續報到者仍復絡繹不絕宦途情形今昔不同現在各縣知事多係甫經奏請  
任命及試署之員苟非有特別事故自未便率予更張至於差委之事從前需次人員但使才智足以任  
事則學習有各局所歷練有長短各差即可借資以圖事畜今則自巡按使道尹以及縣知事各官廳任人用  
款皆有預算爲之束縛時時持籌計畫尙虞竭蹶絕無活動之餘地得以調劑閒員即上級官廳調查費一項  
款額祇有此數亦僅以供緊要差遣之用不足爲普及衆人之資經濟之問題既艱宦途之困難倍亟臣每日  
接見候補各知事詢其在省聽鼓狀況未嘗不爲之咨嗟歎息上年奏請設立吏治研究所俾有志向上之員  
得以借資琢磨其才猷練達者並復選擇拔用試以差缺而得者一二賦閒者什百終苦無廣濟之方此時到  
省人員已有異常擁擠之勢若復源源而來醫集於省垣無所事事徒作衙參使該知事等佞僚無聊致成坐  
困殊非體恤僚屬之道反復思維一籌莫展惟有仰懇 聖明俯念豫省人員過於擁擠准將知事一途暫  
停分發一年俟需次人員稍見疏通屆時再行奏請補發到省庶於仕宦前途免生窒礙是否有當伏乞

睿裁所有豫省人員擁擠擬請暫停分發一年緣由除咨部查照外理合恭摺具陳伏乞

皇帝陛下聖鑒

訓示謹 奏

政事堂奉

批令准其暫停分發一年交內務部查照此令

政事堂印

洪憲元年二月六日

國務卿陸徵祥

江蘇巡按使齊耀琳奏嘉定等縣知事張鏡寰等試暑期滿薦請實授並懇暫緩覲見摺

奏為嘉定等縣知事試暑期滿薦請實授並懇暫緩覲見恭摺仰祈 聖鑒事竊查內務部咨行覆核江西

巡按使請將分發知事分別試署實授辦法一案內開各省薦任知事凡有曾經歷任地方政績素著者准其

薦請實授其有學識優長而經驗或有未逮者一律先行試署試署一年期滿如果稱職再當列舉成績出具

考語薦請實授等語茲查有分蘇知事張鏡寰劉煥段士璋等三員經前巡按使韓國鈞先後薦請 任命

試署嘉定等縣知事在案現屆一年期滿據各該管道尹列舉成績具詳前來臣詳加考察張鏡寰等三員均

能實心任事政績昭然擬合開列清單加具考語仰懇 恩准任命張鏡寰為嘉定縣知事劉煥為如皋縣

知事段士璋為東海縣知事如蒙 俞允該員等係薦任職例應覲見惟現值冬防喫緊地方重要未便遽

離可否一併 准予暫緩覲見出自 鴻施除分咨內務部銓叙局外理合恭摺具陳伏乞 皇上聖

鑒訓示謹 奏

政事堂奉 批令張鏡寰等已另有令明發並准緩覲交內務部查照並由政事堂飭銓叙局查照此令

政事  
堂印

洪憲元年二月六日

國務卿陸徵祥

江蘇巡按使齊耀琳奏擬調廣東縣知事周善繼留蘇任用並請將核准免試縣知事吳俊年等免予考  
詢先行分發暫緩覲見摺

奏爲擬調廣東縣知事周善繼留蘇任用並請將核准免試縣知事吳俊年等免予考詢先行分發暫緩覲見  
恭摺仰祈 聖鑒事竊准江北葦蕩營墾務局督辦楊士聰會辦徐啟修咨稱墾務繁重現正嚴切進行舉  
凡清丈地畝劃分等則以及籌辦河工興復水利諸要端在在需員助理設措施偶有失當即流弊不免滋生  
是非慎選人才何以竟全功而收實效茲查有仰署廣東恩平縣知事周善繼係由現任知事第四屆保免試  
驗經部呈准免予考詢並緩覲見仍分發廣東原省任用又仰署安徽潛山縣知事吳俊年係由本省現任知  
事第三屆保薦行查咨覆核准免試尚未赴部考詢該員等現均咨調來局分任要差又灌雲分局局長舒滯  
阜寧分局局長徐鍾令均係第三屆核准免試縣知事前經咨部暫緩考詢有案以上四員任職以來均屬卓  
著勤勞深資得力理合開送該員等履歷請將廣東候補縣知事周善繼奏調江蘇任用核准免試縣知事吳  
俊年舒滯奏請免予考詢分發江蘇任用徐鍾令籍隸本省請免考詢先行分發省分仍留蘇省供差一體暫  
緩覲見等情咨請前來臣查該員周善繼等現既身任要差自未便遽令遠離合無仰懇 恩准將周善繼  
調蘇任用吳俊年舒滯二員免其考詢先行分發江蘇其籍隸本省之徐鍾令免予考詢先行分發省分暫留  
蘇省供差並懇一體緩覲以資任使之處出自 鴻施除分咨內務部廣東巡按使查照外理合恭摺具陳  
伏乞 皇上聖鑒訓示謹 奏

政事堂奉

政府公報

奏摺

二月十二日第三十七號

批令周善繼准其調蘇任用吳俊年等准免其考詢先行分發江蘇其籍隸本省之徐鍾令一員先行分省仍  
暫留供差並均准覲覲交內務部查照辦理此令

政事  
堂印

洪憲元年二月六日

國務卿陸徵祥

安武將軍督理安徽軍務倪嗣冲奏安武軍官佐各員王濟等請補授軍職摺

奏為安武軍官佐各員請照陸軍成例一律補授軍職以宏登進而免向隅恭摺仰祈 聖鑒事竊臣於三  
年六月十九日准陸軍部咨開查本部補官案將次補竣暫行補官章程應行改訂所有各軍隊暨機關應補  
人員尙未經請補者從速請補以三箇月為限後期到部者概不核補等因當經查明未經補官之官佐遺具  
履歷分別咨請核補在案遲之又久未蒙公布迭經咨催旋准陸軍部咨復以武衛右軍因非陸軍編制官佐  
均未核辦本部對於此項軍隊現正另訂編制俟規定後再行辦理等因竊念辛亥改革之初臣奉 命赴  
滇征剿僅止武衛右軍三營兩次戰役抗敵兵萬餘之衆其後剿辦蘇豫皖魯土匪轉戰四省地方始漸又安  
迨二二年秋間贛寧變起皖亂更滋臣督率軍隊連克鳳台壽縣進復巢縣蕪湖皖省得以維持其後剿辦土匪  
東西奔馳迄今時歷兩年地方壹是安謐固由稟承 廟算用得幸免疏虞而各營官佐櫛風沐雨踴躍圖  
功似與各省陸軍無甚軒輊且平日操防學科所用書籍各件均係部頒通行之本與陸軍絲毫無異而獨於  
核補軍職致令向隅在各官佐等素受教育自勵公忠或不致頓生缺望第國基新造時局艱難建威銷萌端  
惟軍隊是賴此後激揚操縱又何以鼓士氣而勵戎行伏讀近日 策令論功行賞迭沛 殊恩各省軍  
官無不渥承 聖澤仰見 朝廷懋官懋賞本無畛域之分思維再四不敢不瀝陳於 聖主之前合  
無仰懇 天恩特准將單開王濟等一百二十七員照擬補授軍職以宏登進而免向隅出自 鴻施逾

裕如蒙 俞允應再造具履歷咨部註冊所有安武軍官佐各員請照陸軍成例一律補授軍職緣由理合專摺上陳伏乞 皇上聖鑒訓示施行謹 奏

政事堂奉

批令准其一律補授軍官交陸軍部查核具奏單並發此令

政事堂印

洪憲元年二月六日

國務卿陸徵祥

安武將軍督理安徽軍務倪嗣冲奏軍用文職各員王裕承等請予叙官摺

奏為軍用文職各員請予叙官以資策勵而宏登進恭摺仰祈 聖鑒事竊臣承准統率辦事處函開奉

大元帥諭軍事各機關及陸軍各師旅等軍用文官或供職有年並才具可用著由統率辦事處行取各該員履歷核送政事堂飭銓叙局分別核補實官以資策勵等因相應函達希即查照等因仰見 皇上登明

選公不遺葑菲之至意欽服莫名遵即飭行遵照去後旋據各軍事機關繕具履歷請予奏咨前來竊查軍成立以來時值中原鼎沸人心危疑連年剿辦匪黨奔馳不遑泊赴安慶任所又值兵燹之後百端待理該文員等或贊畫戎機或分司庶務昕夕從公深資臂助茲值國基已定 聖澤覃敷合無仰懇 恩施准將

單開王裕承等一百一員 令交銓叙局酌量叙官以資策勵其王裕承一員前任雲南知縣卓著政聲保

升知府並以道員升用前蒙 簡授鳳陽關監督 賞給四等嘉禾章祝從恩一員前任山東知縣歷膺

煩劇經臣調皖差委並經保送覲見蒙 交政事堂存記是該兩員資勞卓著早在 聖明洞鑒之中可

否從優叙官之處出自 高厚鴻施非臣所敢擅請所有遵查軍用文員職名請予叙官各緣由除將履歷

咨陳統率辦事處外理合繕具清單恭摺具陳伏乞 皇上聖鑒訓示施行謹 奏

政事堂奉

批令交政事堂飭銓叙局核叙單并發此令

政事堂印

洪憲元年二月六日

國務卿陸徵祥

安武將軍督理安徽軍務倪嗣冲片奏本署參謀廳書記官張作桂等資勞素著擬懇特准以縣知事分發任用摺

再查臣署參謀廳書記官張作桂前供職參謀本部兼充軍界統一會軍事日報編輯持論至大聲譽翕然於二年冬間調充臣署參謀廳副官兼陸軍小學補習所國文修身教員旋改委參謀廳書記官兩年以來辦理一切機要事務洞中肯綮深資臂助臣於第三屆知事試驗保請免試旋經審查否決該員心精力果事理通明如界以親民之任定能措置裕如又參謀廳書記姚琳前在第二鎮充當司書辛亥武漢戰役曾保以縣丞選用二年十月臣調充參謀廳書記該員隨同書記官張作桂分理文牘參與機要均資得力該員志慮忠實才具開展堪勝民社之任伏查昌武將軍鎮安右將軍行署軍佐人員業經改用文職其保免試驗審查否決各員經各該將軍具奏聲請均蒙 皇上特令俞允仰見 朝廷徵勞必錄之至意該員等事同一律似未便獨令向隅用特繕具該員等履歷冒瀆 聖聰合無仰懇 恩施俯念該員等資勞素著特准以縣知事分發任用俾得及時自効之處出自 高厚鴻慈謹附片具陳伏乞 皇上聖鑒訓示謹 奏

政事堂奉

批令張作桂姚琳均准以縣知事分發任用交內務部查照辦理履歷並發此令

政事堂印

洪憲元年二月六日

國務卿陸徵祥

署四川巡按使陳宦奏著有勞績人員陳培龍懇予叙官摺

奏為懇將著有勞績人員特予叙官恭摺仰祈 聖鑒事竊准政事堂銓叙局咨行奏准規定勞績保案獎

叙實官辦法一案內開僅充差務未經叙官人員如有異常勞績均准保請叙官等語茲查有四川官產清理處處長陳培龍係前清分省補用道員民國歷任吉林雙城府知府東三省官銀行監理官四年二月臣奉

上令入川奏調該員赴川任用四年五月到川委充公署秘書七月委充四川全省官產清理處處長綜核實數剔釐隱佔勞怨罔辭裨益公家甚大實著有特別勞績叙官大典似未便令其向隅合無仰懇 天恩

俯准將該員陳培龍飭下銓叙局優予叙官以勵勤勞除將該員履歷咨送銓叙局外所有懇將勞績人員叙官緣由是否有當理合恭摺具陳伏乞 皇上聖鑒訓示謹 奏

政事堂奉

批令交政事堂飭銓叙局核叙此令

政事堂印

洪憲元年二月五日

國務卿陸徵祥

署四川巡按使陳宦奏縣知事呂聯乙等到省一年期滿照章甄別摺

奏為縣知事到省一年期滿照章甄別恭摺仰祈 聖鑒事竊查前准內務部咨行縣知事甄別章程條例

第三條載到省甄別分發任用之縣知事應自到省之日起扣滿一年由該長官認真考核出具切實考語奏請分別補用等語自應遵照辦理茲查有分發四川任用知事呂聯乙局度安詳熊道琛明白事理蕭應鐘勳

求治理張慶萃悃悞無華趙宗瀚通達治術詹光斗年富力強張銘留心吏事王藻辦事勤慎官維賢才明議練均於民國三年十一月以前到省咨部有案現已扣滿一年經臣詳加考核堪以留川分別補用所有照章甄別到省縣知事緣由是否有當理合恭摺具陳伏乞 皇上聖鑒訓示謹 奏

政事堂奉

批令悉交內務部查照並由政事堂飭銓叙局查照此令

政事堂印

洪憲元年二月五日

國務卿陸徵祥

廣西巡按使王祖同奏廣西高等審判檢察兩廳及桂林地方審判檢察兩廳薦委各員請叙官摺

奏為廣西高等審判檢察兩廳及桂林地方審判檢察兩廳薦委各員擬請分別叙官恭摺具陳仰祈 聖

鑒示遵事竊查文官秩令第六條內載凡授官進官加秩係薦任職由所屬長官呈請 上令行之係委

任職由所屬長官彙案呈請 上令行之又先後准銓叙局咨京外薦委各職叙官擬請交局覈覆又各省

薦委各職擬酌量變通由該管長官飭取各該員證明文件先行詳覈再行開具履歷咨送審查先後詳由國

務卿擬准照辦奉 上批閱又准銓叙局電證明文件如有遺失即取具該管長官切實保結為憑各等因

歷經遵辦在案茲據廣西高等審判廳廳長張學璟高等檢察廳檢察長安永昌先後將業經薦任之高等審

判廳推事潘森熊陳國鏞霍玉琪莫開瓊高等審判廳書記官長黎文翰署桂林地方審判廳廳長馮滄芬署

高等檢察廳首席檢察官代理桂林地方檢察廳檢察長李炳年署桂林地方檢察廳首席檢察官梁鈞高等

檢察廳書記官長張俊等九員委任之高等審判廳書記官蔡鴻猷蘇燦陳春溥陽汝耕翁饒光高等檢察廳

書記官李光曾彭濟豐許佩金呂勳元唐煥采等十員詳細履歷及各項證明文件詳送前來經臣詳加考覈

各該員歷職績資尚屬相符所有文件不齊據稱已經遺失者均已由各該管廳長查明屬實出具切實保結

為遵合無仰懇

恩施俯准將該員等飭交銓叙局覈覆按照各員歷資分別授官以重銓政而資策勵除

繕具各員詳細履歷清冊咨送銓叙局覈辦外理合恭摺具陳伏乞 皇上聖鑒訓示施行謹 奏

政事堂奉

批令交政事堂飭銓叙局核叙此令

政事堂印

洪憲元年二月五日

國務卿陸徵祥

廣西巡按使王祖同奏簡任人員馬振濱應請叙官摺

奏為簡任人員應請叙官謹繕履歷清冊恭摺具陳仰祈 聖鑒示遵事竊查文官官秩令第六條內載凡

授官進官加秩係簡任職由 上令行之等因所有京外簡任各職應行叙官人員已先後奉 令分別

敘授在案茲查有現署鎮南道道尹實任柳江道道尹馬振濱係屬簡任人員應如何叙授之處理合繕備履

歷清冊恭摺具陳伏祈 皇上聖鑒訓示施行謹 奏

政事堂奉

批令交政事堂飭銓叙局核叙履歷並發此令

政事堂印

洪憲元年二月五日

國務卿陸徵祥

貴州巡按使龍建章奏貴州清理積案完竣該處長吳家駒等可否擇尤請獎摺

奏為貴州清理積案辦理終結恭摺仰祈 聖鑒事竊查貴州自改革以還秩序未定盜匪充斥人民生命

財產損失甚鉅覆盆冤宿案疊積小民痛苦不可言狀臣於到任之初曾經電陳情形奉 批令准設清  
理積案處認真整頓等因當委高等審判廳長吳家駒高等檢察長党積齡本署秘書李大椿等爲該處處長  
總理處務并擬訂簡章及辦事細則先後呈報并分咨內務司法兩部備案各在案該處於民國四年一月四  
日成立後分別道里遠近案件繁簡或一縣指派數員或數縣指派一員前往會同清理一面遴委法律明通  
長於聽斷之員充任審查職務通飭各縣將民國三年十二月以前未結民刑積案造冊送處由各員詳加審  
核指示辦法勒限審結其重大疑誤案件則分別由處提審以昭慎重自該處成立迄今計共十一閱月審結  
民事積案四百八十七起刑事積案六百四十起審理判斷依法進行成績尙屬可觀其中如石阡縣陳國瑞  
一家被殺八命一案如施秉縣李仕清被匪劫殺家人團兵二十七命一案如綏陽縣何品三修文縣熊善之  
等各案均係原判極端錯誤由處提審決定平反又如沙安氏安安氏沙金釵等案均經各前縣提產充公確  
有重大冤抑由處提審決定更正所有三年以前積案現已一律清理完竣據該處長吳家駒等詳報裁撤前  
來巨覆核該處造送清結積案各表尙無不符其尙有未結各案均屬人犯遠颺無從審擬業經臣嚴飭各縣  
廉覆嚴緝審理務期一律廓清以仰副 聖主勤恤民隱清理庶獄之至意至該處長等督率進行各縣印  
委及該處審查各員實心任事均不無微勞足錄可否依照前定簡章由臣擇尤請獎以示鼓勵出自 鴻  
施除咨陳內務司法兩部查核備案外合將貴州清理積案終結緣由連同造報表冊恭摺具陳伏乞 皇  
上聖鑒訓示謹 奏

政事堂奉

批令交內務司法兩部查照表冊並發此令

政事  
堂印

洪憲元年二月五日

內務部謹啟

財政部咨政事堂印鑄局咨送鹽務署民國四年發文分類編號表請登載公報文(附表)

為咨行事本署發文號數歷經查照公文程式咨請貴局登載政府公報在案茲將民國四年各項發文號數列表咨送貴局查照登載可也此咨

計附民國四年分各項發文號數表一件

財政總長兼鹽務署督辦周學熙

部印

洪憲元年二月九日

鹽務署民國四年發文分類編號表

公文類別

呈

奏

咨呈

咨

函

電

飭

批

示

統計

編列號數

一二八

七

七

三八四

一四二

一七六六

一五三一

四三五九

二七

八三五

農商部政事堂印鑄局函送民國四年份發文分類編號表請登載公報函(附表)

逕啟者查民國三年份本部發文號數業經查照公文程式令函請貴局登載政府公報在案茲將民國四年份發文號數列表函送即請查照登載為荷此致

附表一件

洪憲元年二月八日

農商部民國四年份發文分類編號表

公文類別

呈文

咨呈

咨文

公函

飭

批

示

護照

說明

號計

號

第一號起至一百三十九號止

第一號起至八號止

第一號起至三千三百三十六號止

第一號起至三百二十八號止

第一號起至一千二百二十二號止

第一號起至二千九百二十八號止

第一號起至十二號止

第一號起至一百八十一號止

表列各類發文以公文書程式令所規定者為限此外如奏摺及明密碼公電採鑲照探鑲照註冊照  
森林照獎章獎憑各證書等項均未列入又凡通行文件僅一稿底雖分行數處或數十處之多均概作一

數

● 飭

司法部飭第一三四號

為飭知事查各省舊監簡陋居多節經本部飭令改良在案唯監獄改良事項其需費較多之事固難勉日程功亦有不假經費而即能舉辦者例如確髮澡身洒掃炊爨等事在監囚犯盡人可能但使該管長官督飭勵行即財力或有未充而成效自可立觀為此飭仰各該處廳長轉飭各該管獄員對於獄內一切應辦事宜或需費無多或人犯可作者如上開雜髮澡身等項務須認真辦理以期勵行清潔有裨衛生切勿以款絀為詞致沿舊習是為至要此飭

司法總長章宗祥

右飭 新疆司法籌備處處長  
京外各高等檢察廳檢察長  
熱河  
綏遠都統署審判處處長 准此

察哈爾

部印

洪憲元年二月八日

教育部飭第三一號

為飭知事茲派葛成勛接充本部直轄北京醫學專門學校校長合行飭知仰即遵照此飭

教育總長張一麐

右飭 北京醫學專門學校 葛成勛准此

部印

洪憲元年一月二十九日

蒙藏院飭第五十二號

爲飭知事據稟稱該喇嘛擬於本年八月尋請該師懇預請歲俸暨賞給該喇嘛署印薪費等情前來查甘珠爾五呼圖克圖歲俸業經本院呈准停止發給并飭知該喇嘛在案茲該喇嘛以尋請該師爲詞懇預請歲俸殊爲未合要知此項歲俸係屬 特賞性質將來轉世喇嘛是否給予歲俸以及俸額若干均未可知何得續請照發至請求給予該喇嘛署印薪費一節查管理察哈爾左翼四旗三牧廠各寺印務向爲呼圖克圖職務并無支薪之例甘珠爾五圓寂後本應由院另請 簡派呼圖克圖管理特以該喇嘛對於該處廟務較爲熟悉呈請派署斯職實係權宜之舉乃復踰分干求殊屬不明事體所請均應無庸置議仰即遵照此飭

蒙藏院總裁貢桑諾爾布

右飭 署印商卓特巴 扎薩克喇嘛 阿噶旺彥林丕勒准此

院印

洪憲元年一月七日

紗緞絨呢藤小帽  
油靴鞋  
牛角頭梳  
烏枝木梳 黃楊木梳  
棗木頭梳 黃楊頭梳  
黃楊頭梳等  
二指十二眼白絲魚網  
繭鞋  
孝親錄  
白布衣服襯衣等  
青綢洋傘 布洋傘  
百翼寫字格  
各種皮革  
竹絲藤  
旋轉椅  
大搖椅 連柜寫字桌  
籐椅  
明角燈  
髮網  
髮網  
髮網及色髮  
髮網  
黑大鞭等  
紗帽畫燈  
草鞋等  
三分草帽辦等

上海馬敦和  
通縣純一齋  
北京郭廷燦  
湖南胡上吉  
江蘇永記老王大昌王桂清  
江蘇同泰元  
浙江潘鏡湖  
江西鍾觀文  
江蘇王保全  
北京東華工廠  
湖南阜通製傘工廠  
浙江鄞縣平民習藝所  
甘肅勸工廠  
江蘇省立第一工廠  
江蘇南通貧民工廠  
京師第二監獄  
上海英界森林籐椅店  
北京萬元  
山東信生工廠  
山東萬祥號  
山東德昌  
山東胡英才  
內蒙和盛興  
北京文盛齋  
山東徐春  
直隸寶記草帽公司

政府公報 示

二月十二日第三十七號

元條草帽辦

計開

二等英六百五十八名

品名

線襪絲襪

棉衛生衣

線襪

帆布

絨衫帽等

棉衛生衣及線襪等

大文絨

愛國布

線襪

線襪

線襪

線襪

線襪

線襪

線襪

各種花色棉布

灰布

絲光棉布

棉斜紋布

絲光布

棉毛巾

大英線

棉北布

河南汪同寅

出品人或製造人

北京興華公司

上海振興公司

上海利華織造公司

湖南香布公司

山東泰安縣泰益公司

天津裕民國貨公司

江蘇吳縣洽大絲織公司

江陰華澄有限公司

福建閩侯縣華品公司

天津義生襪廠

平湖縣高琴泉 高瑞臣

江蘇中區縣信華襪廠

山東歷城縣潤昌襪廠

陝石利華襪廠

北京恒隆工廠

上海振新染織工廠

蘇州益亞布廠

江陰夏港久豐廠

浙江嘉興縣嘉禾布廠

江蘇嘉興縣盛協廠

湖南長沙縣裕源工廠

江蘇常熟縣集勸織布廠

## 籌備國民代表大會事務局通告

爲通告事此次決定國體事件發端於全國國民之迫切請願參政院代行立法院以此事關係國本據約法之規定應聽解決於全國國民特議設立正大之機關以徵求真確之民意於是具有國民代表大會之設自國民代表大會組織法公布以來本局爲法定之籌備機關會同各地方監督長官依法籌辦自調查選舉人組織選舉會以至選舉代表決定國體均經先後依法辦理完備代行立法院彙綜全國國民代表所投之決定國體票以一千九百九十三票之全體一致贊成依國民代表大會組織法第一條之規定代表國民全體之公意決定爲君主立憲並據全國國民代表及全國人民推戴書推戴 大總統袁公爲中華帝國皇帝均經先後公布在案國體問題至此已完滿解決國民代表大會一應籌備事務亦至此一律完成國家本根庶幾底定而其中層累曲折之情形及各方面所主張之理由與其不得已之苦衷容有爲一地方一鄉邑人民所未能盡悉者本局職司籌備見聞較切用特撮舉大要通告國民查全國國民請願之始其請願書多至百起以上論其地則自二十二省各特別行政區域蒙回青海西藏以及海外僑民論其人則學士大夫農工商實業以及各項公會團體雖請願之理由言人人殊而其懲既往之流失怵將來之隱患以一勞永逸之計爲久安長治之圖則固萬口同聲舉國一轍今試就其言之最深切者爲我國民告焉如謂天澤之辨伊古維嚴君臣大義同於父子以宗法爲國家之本即以齊家爲治國之源國性精神端在於此一旦易天秩爲平等不免等君父於路人倫紀蕩然國將焉賴雖曰以國家爲本位而無形之國家思想何能普及於一般人民茫茫人類將如散沙社會失其關聯國家何由存在此從倫理論之而知共和之不宜於我國者也又謂中國政治淵源本於天道首出庶物之人厥爲乾坤宗子以天道之神聖淵穆愈以增君主之尊嚴王命所在雖婦人女子亦能知所廢興用以奠定邦基又安黎庶若元首可自齊民選出將人懷可取而代之心權利競爭禍將靡底此從治本論之而知共和之不宜於我國者也又謂國家創業垂統肇始義軒數千年歷史相承君統未嘗中絕即在羣雄割據之時而正統偏安猶待史家論定凡以明一日不可無君之義即可知四海攸賴一人之殷改革以來羣龍無首變故迭生邦基隳枕賢智者日夕憂疑樞管者莫知所措設更委心任運恐不免神州陸沉此從歷史論之而知共和之不宜於我國者也又謂歐洲各共和國區域均不甚廣北美例外已近聯邦

我國方里四千萬而且五族各異其性南北各異其宜苟中央權力稍輕則四境難施統馭以數千年五族一家之偉大民族豈可令其豆剖瓜分此從地理論之而知共和之不宜於我國者也又謂辛亥事變起於倉猝國體問題未遑過計改革甫經一載禍敗即已橫生值元首改選之交遂生贛寧之亂中原鼎沸生民塗炭勞師糜餉幸以救平而東南民力於是盡矣人民經一度之變亂每念及國家根本常惴惴於禍至之無日社會事業無一進行國家政務因之止步不得已而延長總統任期而人民慮遠思深以爲將來之禍變終不能免且禍變之推測愈遠則國事之停滯愈多我國國際地位已在四面楚歌之中欲圖生存競爭豈能長此終古此就往事驗之而知國體之必宜變革者也又謂國勢之強強於衆志必普天皆無異嚮斯治化乃期有成民國成立以來因繼體者無惟一適當之人故不免各存希冀明知無百年不易之主遂人人存先事準備之心或暗中擁戴一人或設法把持一地以堂堂一統之中國而內容已兆瓜分統治者非不才略過人而全副精神恆疲於對付之中而莫由以自展識時之士深用隱憂不及早改弦更張則分裂之爲期不遠此就近事考之而知國體之必宜變革者也又謂國家趨勢非立憲不能圖存然立憲者定國家百年之大計謀教育實業軍事之發達其事至大程功至久又非朝不保夕之國家所可望也而細察我全國國民心理以爲將來競爭大總統之戰亂不知已於何時後來之事思之寒心方備亂之不暇而何有於致治若不從根本改革無論爲大總統者如何賢明不過多方設法以維持現狀已爾欲求立憲以謀國家之進步南轅北轍其道無由就此將來論之而知國體之不可不從速變革者也更有就君主與立憲相互關聯之處立論者略謂天下之生一治一亂考五千年歷史異姓代興之事多至二十餘朝或數百年而易或數十年而易其或數年而易其開創之君非不雄才大略規模宏遠無如數傳而後法度漸弛遺澤就涇國統絕六朝五代之際君位直如奕棋人民蕩析離居幾於不可終日論者每舉以爲君主制病而不知此非君主制之病君主而不採用立憲制之病也世界各國政治均由人治時代晉而爲法治時代而中國政治蓋猶有數千年來人存政舉之選思前此治亂相循邦基不固國是未定厥有由來現在欲求立憲既以君主爲前提而實行君主制度尤必以立憲爲要義查東西立憲國家有強固之政府以擔負責成有穩健之議會以協贊政府上下相與之際各有一定之法令以爲運行君主總攬大權實居於調燮之地位相推相盪以劑其平英主無所增中主無所損故

覆按也我國若於決定君主立憲國體後使憲政得以實行是有數千年君主之利而無數千年君主之弊政  
治革新遠軼三五矣此就君主立憲綜合言之而知中國之國體政體舍此更無他道也以上各種理由特就  
全國國民歷次請願書中所主張舉其較重者言之餘者尙更僕難盡成編具在可以覆徵代行立法院因其  
言之痛切而有益於事勢也以決諸國民之公意而全國之國民代表亦途人同此心心同此理以相與有成  
使我五千年聖聖相承之君主國體回復舊觀各強國盛行之立憲政治得所期望猗歟盛哉固係我國民程  
度之高而以國民組織國家以國民推戴君主開世界最新之特例留歷史無上之光榮試以此次改革與從  
前征誅之局相較征誅者克以武力彼此不免猜嫌非厲行專制之後難言民意此次改革純出於民意之協  
同全國上下共此一心憲政之進行法治之國家即可由斯地點再以此次改革與從前揖讓之局相較揖讓  
之授受終未能出自人民其君民之感孚恐不能異常融洽此次推戴純出於民意之愛戴君民之際不啻家  
人好民之所好惡民之所惡斷不至稍形隔膜故自君主立憲國體確定以來 今上皇帝以救國救民之  
素願爲國利民福之良圖於國家根本問題則從速制定憲法定期召集民選之立法機關於國家行政事務  
則派員調查弊稅爲刷新財政之圖下令考試甄用人才爲延攬賢能之具其附麗於數千年來君主國體之  
一切弊政如沿用閹人採選宮女以及拜跪奔走繁文縟節等等又已 明令聲明概從屏棄永懸厲禁併  
聲明總期君主社政悉予掃除等因開國規模權輿於此上年十二月十三日國體既定文武官吏觀賀  
皇帝於居仁堂 皇帝面諭臣工謂現在全國人民以我國不適共和議定改建國體爲君主此爲人民心  
理所趨向予自當以民意爲重已無討論之餘地予被全國人民推戴爲中華帝國皇帝自願實不勝慚悚我  
國國勢積弱險象四伏如求轉弱爲強殊非易事國家建造之始即當爲久遠大計來日方長更不知有幾許  
困難大位在身永無息肩之日故皇帝實爲一憂勤惕厲之地位決不可以安富尊榮視之且歷代皇帝子孫  
鮮有良善結果即平時一切學問職業皆有限制不能自由予今爲救國救民計犧牲一身犧牲子孫亦義不  
敢避惟中國至大國事至重予以一手一足爲力幾何所望大衆同心協力犧牲一切以救國家庶足匡予不  
逮此次籌備大典務宜刪削繁文不僅吾國歷代繁重之典禮不可蹈襲即世界各君主國現行之典禮苟有  
稍涉繁重者亦不必採用總之皇帝不過爲國家元首一種尊號至於立國精神全在上下協力堅苦卓絕若

予視皇帝爲尊榮則國家必不保即大衆如視皇帝爲尊榮則國家亦必危自今以後予與國民當共視爲臥薪嘗膽之日惟願各以國家爲重以期共濟艱難若國體既改而於政治不能整理進行不僮予無以對我國民即庶職百司亦皆無以對我國民也等語 天語煌煌羣衆感泣恭釋其義約有數端一國體決定後將來政治進行必有以慰全國人民之希望二犧牲一切以救國則決定國體事件實關於國家之久安長治不關於一姓之安富尊榮三籌備典禮力削繁文必一洗數千年君主稅政之積弊四因國事艱難願萬衆同心協力即爲實行立憲政治之精神此項鄭重宣言求之中西史乘均所罕覩凡我國民均應一心一德仰副聖懷矧自改元洪憲以來首 頒注重師範教育及警察法規之令凡所以爲增進國民智識維持國家公安計者用意至爲深遠而整理財政實行預算制度并以 明令聲明辦事者多節一分糜費即爲國家厚一分財源并即爲吾民養一分物力等因節用愛人之訓充足表示憲政精神至於國家政務應與應革事件現復通盤計畫虛懷採納以期利於民者無不興病於民者無不去唐虞三代之盛軌五洲萬國之隆規如果天佑中華行之十年必有治定功成之日溯自清末失政民燬水火想望治平不可必得良善者坐困閭閻狡黠者輟耕隴上卒因救濟無法終不免以暴易暴之嫌如水益深如火益熱民生憔悴數年於茲今幸空前絕後之法定國民代表大會以全國一致之公誠定萬年不拔之君憲而代行立法院復以全國國民總代表之資格代表國民全體公意再三推戴惟 皇建極國乃永寧從此世際昇平造端伊始國家興替匹夫有責願各竭手足之能成此昌明之運國家幸甚國民幸甚特此通告

洪憲元年一月十日

### ● 經界局經界學校招考廣告

本校隸屬經界局因養成經界職員起見特招本科及特科學員各五十名授以高等測量學及經界必要知識特科投考資格中學校畢業會習過各省陸軍測量學及工業專門學校土木科二三年級課程具有測量及數學根柢者本科投考資格曾在中學校畢業者各學員考取入學所有在學中學費膳費住宿費實習費等均由校中供給特科學員每人更月給膏火十元以資津貼畢業後一律歸經界局任用考試地點北京經界局上海大同學院考試時期三月一日至三日有志投考者請付郵票十三分向以上兩處領取詳細章程

財政部爲通告事查雲南省現有亂黨擁兵謀叛難保不乘時濫發軍用鈔票希圖攪利亟應預爲宣布以免華洋商民行使收用自貽後累爲此登報通告華洋商民人等如果雲南省有亂黨發行軍用鈔票等物切勿行使如果收用將來中國政府不負責任勿謂言之不預也恐未週知特此通告

### 司法部通告

爲通告事查司法部考試令暨關於司法官考試令第三條甄錄規則業於上年九月三十日奉 令公布十月一日刊登政府公報在案現在司法官甄錄委員本部業已依法組織成立定於本年四月間舉行甄錄試驗凡具有關於司法官考試令第三條甄錄規則第一條所列各款資格之一而願應司法官考試者務於本年三月十五日以前遵照甄錄規則第二條及第三條之規定赴部按照部定格式填具親筆履歷書及願書並將足資證明各項學識或經驗之書類文憑隨同送驗其在外省者亦應屆期親身赴部報名一俟甄錄委員會審查後認爲可受試驗者再登公報通知屆期來部面試特此通知  
洪憲元年一月十九日

### 北京清華學校招考高等科插班生

本校高等科現分四級每學年遞升一級每年招考插班生一次今年在北京上海兩處招考各級插班生 額數 以八十名爲度 年齡 自十六歲至十八歲者可報十歲者可報 資格 體質健全 性行端敏 國文程度 約在中等 英文程度 至少須曾用英文教科書習過 O'Han 考三四年級 讀本七冊此外須習過納氏文法四冊衛生學及初步地理初 切實研究 者可於 步化學初步代數等書如有習過高深學科者可報考高級凡於上列學科曾經 一月十 日起至三月三十一日止向 北京清華學校招考處 函索詳細招考章程並須附寄郵費一角空函不覆

北京清華學校招考處啟

### ●大律師李焜墀廣告

本律師專以鞏固國法擁護人權鋤強扶弱爲目的現已銷假仍代理北京各級法院民刑訴訟及一切法律行爲凡有諮詢事件可親至宣內象坊橋正北河沿路西蔚公寄廬電話南局一千零三十號本事務所接洽

### ●永增軍裝局刺繡廠廣告

逕啟者自祭祀服章發表本廠即時成立專做各任冠服朝賀吉服女界禮服工精料美頗蒙顧客歡迎今更悉心研究創造繡金製品如各王公金花禮服陸海軍警察禮服金領袖章以及外交各部金花禮服均可照章繡做較諸舶來品有過之無不及並自造海陸軍警察各等禮服金肩章倫蒙光顧祈駕臨打磨廠西口內本號接洽可也

電話南局五五四 又二二五二

### ●中國銀行廣告

本行於去年九月間派員赴滇籌設雲南分行並未開辦現在籌備各事均已停止並無對外發行之件如有冒用雲南中國銀行名義發行文件券據者本行概不負責特此聲明

### ●北京電話局緊要廣告

敬啟者現在西城一帶綫額已滿而敵西分局雖籌備一切且下因歐戰未停所有訂購各料亦未能如期運到該處掛號待裝各戶接踵而至但非西局成立後決不能安機即東南城用戶欲移機至西城者以限於額亦無從移置恐未周知特此廣告

### ●聲明作廢

權作冊遺失參謀本部第二百七十一號徽章一枚除詳請註銷外特此聲明作廢